

# KUPANDUKA KWA

## GILBERT

### MADZIBABA GIDZA

BY VADENY...

 Post Mak

*Kupanduka kwa Gilbert*



Edit with WPS Office

*(Madzibaba Gidza)*

*VaDeny.....*



## *Chapter 1*

*Ndakati ndigere pamasowe,  
ndaingonzwa ropa rangu  
richimhanya mhanya ndakashaiwa  
kuti chakanga chava chii .*

*Apa ndakanga ndiri pamuzinda*



*unoyera.*

*Handaiziva kuti zvaiva zvorevei?*

*Ndinoitwa madzibaba Gidza kana*



*kuti Gilbert.*

*Ndakanga ndisati ndane nguva  
ndapinda chechi yepositori.*

*Ndaingonzwa kuti kwamadzibaba  
Faro kwaiva kusingajairike vaibata  
basa sebasa .*

*Ndakazosvikawo ipapo uri musi  
wechishanu chinangwa changu  
chaiva chokuda kuti ndibetserwe  
mune zvakanga zvandiwira kkk  
ndezevekurarama zvinowanikwa  
mukufamba.*



*Waunoti murume ndewako wega  
unenge wazvinyepera kunze uko  
kune mapere evakadzi vanenge  
vakatomirira uyo waunoti  
haatangike.*



*Ini madzibaba Gidza ndakanga  
ndasangana nazvo hangu .*

*Ndakabva kumba kwangu boo uri  
mugovera ndakananga panechimwe  
chi town-ship icho chataiona  
mitambo yenhavvu.*

*Ndaiva ndisingazivewo kuti uku  
ndokwaiva kuparara kweimba yangu.*



*Ndichisvika ndakasvikotenga  
chinwiwa changu chemhando ye  
coke ko ndakanga ndisinganwe  
zvinodhaka zvakuti ndakanga  
ndotozivikanwa kuti Gidza we  
DeMbare auya ndakanga  
ndisingashaike paitamba chikwata*





*ichi kana cheChelsea cheku Ingirandi.*

*Vakadzi vaingopindawo semazuva  
ose ini ndaizivikanwa nekufambira  
chimwe sedhongi ra Simon.*

*Zvose zvemarokwe zvaiva kure neni.*

*Ipapo ndaitoti pamwe ndakakunda  
miyedzo yose asiwo paivawo  
nevamwe vaitondirongera dhende,*



*"kuti akambonyatsoita sei murume  
uyu kana kuri kudyiswa namai  
vekwake toda kuzviona".*

*Ndairongerwa pasina chandaizivawo  
ndaiva murima chaimo.*

*Ndakati zvino mutambo wenhabvu  
wataiona wapera apa nguva yakanga*



*yaperawo .*

*Takatorana neshamwari yangu Fidza  
uyo aiva shasha yemhamba  
hamheno kuti takanga tawirirana sei  
chidhakwa neasinganwe.*

*Taitova bhandi nebhurukwa chaizvo  
taizongosiyana pakuti Fidza ainwa  
doro kusvika pakumudembetedzana  
mamwe mazuva.*



*Nzira yekumba yaiva imwe chete  
taizongosiyana pakuti Fidza ndiye  
aitanga kusvika pamba pake ini  
ndopfurawo.*

*Dzakanga dzatova kuma six pm,  
musi uyu mitambo yakati kasikei  
kupera saka takanga tisisina  
zvekuita.*

*Taiva tongowokera shasha  
dzaingozvitambira hadzo mimhanzi .*



*End of chapter*

*(Kanzwise ndirikufunga hangu kuti  
ndodii naro)*

*[5/8, 15:16] VaDeny: Kupanduka kwa  
Gilbert madzibaba Gidza*



*VaDeny....*



## *Chapter 2*



*Takatorana hedu na Fidza takananga kumhatso kwedu.*

*Takazosvika panotenera nzira yekumba kwana Fidza ndokuonekana newechidhaka wangu,iye wotora nzira yekumba kwake ini ndotora yekwangu.*





*Tichangoti siyanei ndakabva ndaita mahwekwe na Tambudzai aiva uno musikana munaku anemagadziko ekuti wakamutarisa achifamba aita kunge arikuti kwaziwai.*

*Ndakabva ndangoitawo zvivindi ko takanga tasangana tiri vaviri nyadzi dzose dzakambotiza ndakangoerekana ndangoti,*

*"Hesi Tambu indava kuchena kudai?"*

*Apa ndakanga ndisingazive kutoti kwaiva kutoteyewawo naTambu.*



*Zvose izvi ndaiva ndoita  
kukanganwa chazuro nehope  
,kukanganwa chakaita kuti ndizonzi  
madzibaba Gidza kunonzi  
kukanganwa chazuro nehope.*



*Ana Gilbert mongoda kutimhoresa  
makationa kubhawa uko munoita  
kunge tiri kunhuwa nhasi chakupa  
simba rekundimhoresa chii?*

*Tibvirei apo ana Tambu moti  
zveruzhinji panechinobuda here ?*



*Ndakatoona kuti Gilbert anenge  
arikutodyirawo pandiri ndakabva  
ndatoti zvaita regai ndishandise  
mukana sezvo murume uyu aizviita  
kunge asingade vakadzi.*

*Nekaperfume kandakanga ndadira  
ndakabva ndanyatsoswedera pedyo  
naye kuti afile uncontrollable.*

*"Ko iwe nhai Tambu zvowotouya  
mudhuze mangu kudaro hauone kuti  
tiri munzira here unoda kuti vanhu  
vazoti vakandiona newe muno  
musango here".*



*Ndakataura mashoko aya asi  
ndaisarevesa Tambu akanga  
atondipedzera kare.*

*Chakanga chonetsa ndechekuti  
ndoitanga sei nyaya ya Tambu ini  
ndaizvita father holy.*



*Munongoziva kuti vakadzi  
vakatongoona kuti murume ari weak  
uyu vanotozama chete by all means  
kumutraper.*

*Ndakazongoona Tambu akubisa  
kahuswa kakanga karimumusoro  
mangu kana neni ndakabva*



*ndatopera kupera chaiko ndakaona  
miromo yangu yongobvunda-bvunda  
yoga.*

*"Ndoitwa Tambudzai Bhachi mwana  
wava Tigere ndakabarwa ndiri ndoga*





*mumba mevakomana vatatu.*

*Ndakanga ndakagumira chikoro  
panzira mushure mekumitiswa  
nevamwe ticha vakangondibata  
sechivharo chepoto kana chapedzwa  
kushandiswa chongokandiwa  
kwakadaro."*

*Zvinorwadza kani kushandiswa apa  
wopihwa mwana wosiwa woriritira  
mwana woga.*



*Ndakazoonna kuti hapana  
chekumirira kwakunotanga  
kahupenyu kangu apa vabereki  
vangu vakanga vasingade kundiona.*

*Mukutsvaga umu ndakabata  
mishonga, kana matombo  
ndakaabata handizive kuti  
wainyatsoshanda mushonga  
ndewani kana kuti dombo  
remuporofita upi.*

*Ndaiti murume wandada ndakanga*



*ndisingapesane naye taitoti  
tichionana mhenzo zvaingoitika chete.*

*Gilbert aiva murume wandaingoona  
ndichimuchiva asi iye aitotarisa  
kudivi asi ndaingoziwa hangu kuti  
inguva chete tichadhumhana hedu.*



*Ndakanga ndakaumbwawo  
pachezvangu zvinova zvakaita kuti  
ticha amborasa choko woti nanga  
nga nemwana wechikoro.....*



*End of chapter.*

*[5/8, 15:16] VaDeny: Kupanduka kwa  
Gilbert madzibaba Gidza*

*VaDeny....*



## *Chapter 3*



*Ndakatoona kuti apa ndakangopotsa  
Gilbert zvoreva kuti akanga  
akatodyiswawo.*

*Ndirimundangariro ndakazongonzwa  
ndobatwa muchuno.*

*Ndakambonyepera kuda kuvhunduka  
ndichiziva hangu kuti Gilbert  
ndakanga ndatomuhwina nechekare.*



*"Unoziva Tambu pandakuona  
ndangonzwa kuti dai tadanana".*

*Watii Gilbert unoziva urimurume  
wemunhu here?"*

*Ndakanyepera kuvhunduka kunge  
ndakanga ndisingazvide apa  
ndichiziva hangu kuti tsvatu waro  
ndabata munhu wangu.*





*Ndakamboda kukanuka nemhinduro  
yatambu asi ndakazongozvisimbisa  
semurume.*

*Ndakangoerekana ndobvotomoka  
hangu;*

*"Ko ndini ndakaita kuti kuumbwe  
mhenya dzevana here,plus hapana  
akaroverwa hoko kuti aite mukadzi*



*one?"*

*Ndakatoshamiswawo nemashoko  
aGilbert kugara kwese uku  
ndaitomutyawo uye ndaitomupawo  
respect izvo bodo varume vose*



*vakangofanana .*

*Hameno kuti zvinombofamba sei  
kuita kunge vakadzi takasiyana .*

*Handina kuda kuzopedza nguva ko  
zvedu zvaiva zvekura kana  
wapihwa mukana wotoushandisa  
zvakangwara uye chop chop.*



*Daddy Gilbert.... ndakadaro aaah  
ndakatoona munhu atopusa varume  
vari very weak zveshuwa ,ndakabva  
ndatoona kuti zvepanzira zvakanga  
zvisisina chimiro hazvaizopera  
mushe .*

*Ndakazobata wangu Gilbert rwoko  
kwakutomuchinjisa nzira takananga  
kumba kwangu.*



*Ndakangoona ndabatwa ruoko ,ko  
ndakanga ndichiri munhu here  
ndakatanga kungoteverawo  
ndichienda kwandakanga  
ndisingazive.*

*Zvinhu zvacho so unenge  
watongonyura murudo sekuseka .*

*Zvose zvekumba kana  
kuzombozvifunga apa nguva*



*dzifambawo mongoziva  
mumalocation matinogara kunze  
kwakangotanga kuita karima vanhu  
vanenge vatopinda mudzimba .*

*Sare isu vekungofamba zvisina plan  
ndimo mukuzosvika mukuronga  
yakarongonoka iyi.*

*End of chapter*

*[5/8, 15:16] VaDeny: Kupanduka kwa*



*Gilbert madzibaba Gidza*

*VaDeny....*



# *Chapter 4*





*Takazosara tosvika pamba  
paTambu kwatosvipa kunze.*

*Ndakavhurirwa mumba ndikapinda .*

*Haiwa mumba makanga  
makashongedzwa hamo  
kutokanganwa kuti ndiripi.*

*Vakadzi vanema tricks zvamunoona  
kuita kunge vanoziva maweakness  
ana maiguru .*

*Ndakabva ndangosvika nekuitirwa  
ka coffe.*

*Handina kana kuramba ndofunga  
ndakanga ndakutorasa njere  
nechekare kkkk.*



*Hatina kuzopedza nguva ndakanga ndatozvuvirwa kuimba imwe .*

*Zvandakasvika pamba na Gilbert handina kuda kumuratidza kuti ini ndaida zvemari ko sports dzacho wakatadza kunyatsodzironga hadzibude boo.*

*Munhu anombobatwa nemukati meruoko iwe uchiziva hako kuti*



*achaziva chakatadzisa gudo kutaura  
iro richigona kunyenama.*

*Ndakazomudaidza opinda muimba  
yandairara shasha yakamboramba  
igere ndofunga hameno zvaiva  
zvofungwa asi kubva ndatanga basa  
rangu iri handina hove*



*yakambopunyuka pachirauro ini.  
Ndakazoona shasha yosimuka  
yakungotwasura maoko  
nemakumbo kunge mombe yanga  
ivete .....ndakangoti uchapinda  
mumuforo hako ndonzi Tambudzai  
ini.*



*Ndakazongonzwa ndakunzi Daddy  
Gibert kwayedza mukai muende .*

*Aaah ndakavhunduka ko ndaiva kupi  
apa nditarise nguva dzakanga dzava  
05 am.*

*Ndaifanirwa kubata staff bus  
rekubasa nasix.*

*Ndakazotanga kudzora ndangariro  
haaa maths dzacho dzakaramba  
kubuda kumba ndaienda ndichiti  
ndirikubvepi ,uku kubasa hapana  
pandakamboenda nehembe  
dzandakanga ndakapfeka  
dzekuendesesa kubhora apa basa  
rangu rinosungwa tayi.*



*Zvaireva kuti ndakanga ndasarwa ne  
awa imwe chete kuti ndiende kumba  
ndonogeza nekuchinja .*

*Zvaita kunge zviri nyore hazvo ko  
ndaizoti ndiri kubvepi.*

*Pfungwa dzakangofunga Fidza  
ipapo ipapo kuti ndiye  
angandibatsire.*

*Ndakabata runhare kuti ndimubate  
....not rechable ndakabva ndaneta*



*ndokutobva ndasiyana nazvo.*

*Ndakazotarisa Tambu aaah  
ndakabva ndatopera wesi.  
Ndokutogaya zvekurovha zuva iri .  
Zvekubasa kana zvekuenda kumba  
ndakabva ndatozwiisa kure*



*kwakutoswera hangu ndichirezvana  
naTambu.*

*Ndakaramba ndakatarisa Daddy  
Gilbert ndakaona runako rwake  
ndokunyatsoona kuti uyu ndiye  
murume anoshuvirwa nemukadzi  
wose.*

*Hapana chawaimushora asina  
kupfeka kana akapfeka same same .*





*Paakanga otaura zvekuda kuenda  
ndakatonzwa kurwadziwa  
ndaitoshuwira kuswera naye hangu  
aingodakadza zvake .*

*Ndakazonzwa oti regai  
ndimbozorora ndakaziva kuti  
hapachina kuchaendwa ndakabva  
ndatora mukanawo wokumbonorova  
kashawa nekuzobikira daddy ka  
early cup of coffee.*

*Ndakadzoka shasha yatofa nehope  
hayo .Ndakangoti one problem*



*solved Daddy nhasi ndevangu gulez  
mobaika nehasha, mogochema  
muchaneta henyu kusvika masiyana  
nazvo kkkk ndonzi Tambu ini  
vanondiziva- vanondiziva  
Uchadzidza hako Gilbert.*

*End of chapter*

*[5/8, 15:16] VaDeny: \*Kupanduka  
kwa Gilbert madzibaba Gidza\**

*VaDeny....*



# *Chapter 5*



*Ngrrrr..ngrrrrr....ngrrrr ndakangoti  
tuzu pandakasimudza phone ichirira  
apa ndakatarisa ndichiona number  
dzamai vekwangu vanova mai Gidza .*

*Ndopakatanga kurova hana yangu  
nguva yose iyi ndakanga  
ndakatonyura murudo hangu kana  
iriyo mishonga haiwa vakadzi  
ishasha .*



*Ndini here Gilbert ndaizivikanwa  
kunzi madzibaba Gidza ndakanga  
ndakutadza nekuenda kumba kwose.*

*Imwe mishonga inoita kuti munhu  
ubva waita fuza nezuva one chairu  
kubva ndatooma gotsi kudaro.*

*Ndirimundangariro kudaro ndakaona  
Tambu amira pamberi pangu  
akabata glass raiva nezvinhu mukati.*



*Ngrrr....ngrrr inobva yarira futi phone  
yamai Gidza ,panekuti ndidaire  
Tambu anobva auya padhuze neni  
kwakunditarisa mumaziso chaimo  
ndakashaya kana chokureva  
ndokunditambidza giraz raiva  
akabata.*



*Ndakaramba ndakangoribata  
akatozviona kuti akasaita action  
handainwa akabva atora ndokuita  
sip .*

*"Daddy bisai stress".*

*Ndakatambira ndokuisa mukanwa  
uummmm zvinhu zvaishata izvi asi  
pandakazoti second ,kechitatu aaah  
wanikwe zvakutoendeka.*





*Ndakazobvunza kuti chaiva chii  
akangoti ndoyatinoti stress free kkk  
kana neni ndakatomboseka hangu  
kunge rugare.*

*Pasina kupera kana maminitisi  
makumi matatu foni yakabva yarira*



*ngrrrrrr.*

*Ndakangotarisa number ndokuona  
kuti ndamai Gidza ndokudaira ipapo  
mastress free aya anga akushanda  
now kana ndizive kuti chakandipa  
hushingi hwekudaira ndakachishaya.*

*"Urisei nhai Gilbert ko uripi  
unodzoka wotityisa uripi?"*



*Instead yekupindura nyadzi  
dzokunda rufu ndakangokanda  
kwakadaro kaphone kachibva  
kaparara .*

*Oohh ko ndaitei ndakadaro  
ndichienda kunokanhonga  
ndakakatarisa ndikaona kuti apa  
ndazviitisa haaa ndaizobata sei  
vekubasa kana ivo madam  
ndinovhara sei ini ndadai?*



*Ndakatarisa kafoni kangu  
ndakanzwa kubatwa zvinyoro nyoro  
nechekumasana kwangu ndokunzi;*

*"Do not worry daddy ndineimwe foni  
ndokupai mofanoshandisa"*

*Ndakanyatsoona rudo rwaTambu  
apa.*

*Ko pane chakanga chateyewa seriva  
zvee.*

*Ndakazongoti thanx ndokupihwa ka  
kiss pamhanza.*



*Kana ndimiwo kumba kwacho  
kwaiendeka here ndakanga  
ndorezviwa sekacheche.*

*Mai Gidza*



*Ndiripafoni ndakazongosara ndoti  
hallo hallo pasisina kana achadaira.*

*Ndakapererwa kusvika ndazofunga  
kufonera Fidza shamwari yake.*

*Ndichingofona haina kana  
kumbononoka yakabva yangodairwa  
ipapo .*



*Makadii henyu bamdiki ...maiguru  
murisei zvamunenge muri lo lo  
kwakanaka here?*

*Zvipiko bamdiki ko umwe wenyu  
makapedzesera kumuonawo rinhi  
akangobva achiti ndakuenda  
kunoona bhora ndokubhora  
ndozvachose.*



*Taiva tose zuro akatondisiya  
ndakupinda kumbakwangu achipfura.*

*Ndakapererwa ndakashaya kana kuti  
ndochitii ndakazongoti maita  
bamdiki ndokukata.*

*Zvino ndotangira papi manje ?*





*Ndakabata phone kwakufonera  
number dzekubasa yakabva  
yadairwa nemkadzi,*

*"Good morning can i help you?"*

*Ndakangoti hezvoo ko chii futi  
munhu anongotanga nekuti can i  
help you ndisati ndamuudza  
dambudziko rangu .*



*Ndakamboda kukata asi ndakaona  
isiriyo solution ndini ndaivaiwa saka  
ndaifanirwa kutodzikama .*

*Ndakazobvunza kuti Gidza akanga  
ambouyawo kubasa here?*

*No ! imi ndimi ani?*

*Mai Gidza kkkk ndakanzwa voti  
taurai surname zvekuti Gidza asi*



*hamusi mukadzi wake here ?*

*Aaah ndakanga ndatopererwa kuti  
pane tumwe tusikana mumabasa  
umo tune rafu .*

*Akazongoti moreva Gilbert here  
ndokuti hongu.*



*"Gilbert did not report for work today."*

*Ndakaita kuvira nehasha chaidzo idi  
aizondiguta zvemagauni  
tichatomborasa kwakadaro  
anondiziva Gilbert.*



*Ndakabika asi chikafu hachina  
kupinda zvachose ndoti munhu  
wandakambonyurura mumabasa ake  
erima apa akuatanga futi.*

*Ndakangoerekana ndodaodzira kuti;  
"Sei Mwari sei Mwari zvirikuramba  
zvonangana neni,  
paya kuti anzi murume ndini".*



*Zvakangooma kuti azonzi  
madzibaba Gidza inyaya yekuti  
akambopoya akanogadzirwa nhengo  
yake akazoponera kumapositori apa  
akutanga futi aripi Gidza.*

*Apa handichaziva kuti chii chirikuita  
kuti tisaite vana.*

*Zvinhubzvacho zvine zvinochinodaro  
chete apa ndaimboti zvapera asi  
zvinenge zvakudzoka .*

*Ko chii chaite asandidaire kuti  
akasungwa here ?*

*Chii chaizvo apa foni yake haichaita  
ndodii?*

*Zuva rakavira asina kudzoka  
ndotonanga kumapurisa.*

*End of chapter*

*[5/8, 15:16] VaDeny: Kupanduka kwa  
Gilbert madzibaba Gidza*



*By Vadeny....*

## *Chapter 6*





*Ndakazoswera hangu ndakadekara  
ndiripo paTambu ,ndakatanga  
kupishana nepfungwa kuti ndodii  
manje nemahwani andakanga  
ndazvitsvagira aya.*

*Pakabuda Tambu mumba mandaiva  
ndiri ndakasveerera chikwama  
changu ndokuona mune madhora*

*mana chete.*

*Ndakatoona kuti apa  
ndopandakanga ndazviparira  
ndaifanirwa kuruka zano kuti  
ndipunyuke apa.*



*Fidza*

*Kubva zvandafonerwa namai Gidza  
handina kuzombonyatsoshanda*



*ndakanga ndogaya kuti umwe wangu  
aripai kutaura kuno.*

*Ndaimuziva asiri munhu  
wemusikanzwa uye semunhu  
akanga asingadhakwe.*

*Ko ndingati akanga awanikwa nei?*

*Ndaita kunge ndirikurota kubva  
patakaparadzana,  
ndainyatsotondera tichionekana  
nekuti zuro wacho ndakanga  
ndangonwa 2chete saka ndakanga  
nditori sobha hangu.*



*Ndakazoudza manager nyaya  
yaindidya moyo saka vakazongoti,  
"after lunch you can go toonana  
mangwana."*

*Ndakatenda ndokutobuda asi  
ndakanga ndisina pekutangira.*

*Ndakazofonera mai Gidza vakangoti;  
"ngoma ndiyo- ndiyo".  
vakanga vasati vaziva kuti aripi.*



*Ndakakwira muchovha ndokudzikira  
pabhawa pedu paya vanhu  
zvakatovanetsawo kuti Fidza  
kuwanikwa pabhawa nguva ino  
rakajeka nyika kwakanaka here?*

*Ndakambozama kufeya feya asi  
hapana chandakanzwa*



*nezveshamwari yangu  
ndakazongotenga one koti rangu  
rekumbodzinga ndangariro  
dzakanga dzawanda mumusoro.  
Ndokutooneka hangu.*

*Tambu*



*Nguva yakanga yafamba ndakaona  
kuti ndakaramba ndakangochengeta  
Gilbert ndisina kumboti chebasa  
ndaitonyura apa.*

*Ndakagaya zano kuti nditi mari  
ndakaona kuti ndaigona  
kubhururutsa mhene yangu.*

*Ndakabva ndaruka zano ndaida  
kuziva kuti akanga akasimbawo sei  
pahomwe yake.*





*Daddy zvirisei ? Ndichienda padhuze  
ndichipuruzira tundeavu twake  
twaiva twakanyotsochekererwa.*

*Ndakaona munhu kuita kunge akuda  
kunyepera kakuzungaira ndakangoti  
manje atamba na Tambudzai  
ngaandiitire steady angapabuda  
akashama panokkkk.*



*Ndisati ndatombotaura nyaya yangu  
akabva akumbira phone yangu iya  
,ndakangoti okey Daddy  
ndichitosimuka kunotora .*

*Apa ndichizunza hangu musika ko  
ndaigodii ndirimumba mangu uye  
ndakazvipihwa naMwari hangu.*

*Ndichidzoka akaisa line rake uuum*



*musoro wakatoita kunge uchatema  
nema msg aipinda pasina chinguva  
yakabva yarira.*

*Ndakada kudaira call it was from my  
boss ndakashaya kuti ndovatii  
ndakaisiya kusvika Tambu ati*



*ndiyani ?*

*Ndakamuudza kuti ndiboss akanditi  
kodaira kaa asi hauchada basa  
racho here?*

*Ndakanzwa kusvotwa nemashoko  
ake ariye honzero .*

*Apa ziso ndakanga ndachiti udyu  
kushaya zano shuwa marokwe  
anoparira.*

*Ka glass kaya kekubisa stress*



*ndakanga ndonzwa kukada manje  
ndakangoti ;*

*" Babs kastress free kaya uchinako  
here"*

*Ndakangoona mwana wevanhu achi  
smiller akananga kune imwe room  
ndokuuya akabata zibhodhoro  
hombe redoro kkk.*

*Ndakangoti kanha nazvo saka paya  
ndamwadoro nhai?*

*Ndakangozvibvunza ndoga.*



*Shuwa ndakaona kuri kuparara  
kwehupenyu hwangu ini madzibaba  
kutanga kunwa doro?*

*Glass rakabva radiywa ndakamboda  
kuramba asi ndakatoona kuti paya  
pandambonwa ndatombonzwa boo,  
ndakabata glass ndokubheura apa*



*ndakutonzwa kuda rimwe asi Tambu  
akazoti nooo!!*

*Ndichingopedza yakatanga kurira  
phone this time from my wife .*

*Ndaitoziva kuti uko kwaitova  
kumukwidza chaiko ndakaidaira  
zvenharo chaizvo;*



*"Hallo pliz do not call me, ini ndini ndichafona".*

*Nekutokata phone hangu ko beer rakanga rotonga kaa.*

*Ndakangoti one problem down kwasara yaboss iyo ndoyakanga isingade dzungu basa raipera ka one chaiko.*





*Kufona kwakaita boss ndikasadaira  
vakabva vasvipa moyo kana  
kuzombofona apa nguva yakanga  
yatopera ndofunga vainge  
vakumhanyidzana nemabasa.*



*End of chapter*

*[5/8, 15:16] VaDeny: Kupanduka kwa  
Gilbert madzibaba Gidza*



*By VaDeny.....*

## *Chapter 7*



*Fidza*

*Zuva rakanga ratorereka  
ndopandakatoona kuti shamwari*



*yangu ndaishaya uye kana  
kumbonzwa nezvake ndakangoti  
regai ndimbozama futi kufona  
wanike yakabva yapinda .*

*Hallo ,hallo ,hallo ?*

*Hey irikuratidza kuti yadairwa asi  
hapana arikutaura but Why?*

*Shamwari yangu mupenyu here ?*

*Ndakabva ndapererwa ndokubva  
ndaiza foni yangu muhomwe  
ndokutokweva makumbo  
ndakananga kumba kwangu.*



*Ndakasvikogara panze kana simba  
rekutaura nemkadzi wangu  
ndakarishaya idi zvinonzi sahaira  
ndisahaira Gidza ndisahaira plus  
shamwari kumushaya ndaita kunge  
ndabiswa rimwe gumbo.*

*Adzimai vakatozvionawo kuti apa  
hapana kumira zvakanaka asi  
vaitoshaya kuti vonditanga sei.*



*Kuti ndivaudzewo zvaitondiremera  
ko varume hatifanirwe kungofugura  
hapwa kunge vakadzi unoswera  
wobvunzwa ukazotadza kuzvidaira  
mangwana.*

*Ndakawona call ichipinda  
ndokutarisa ndakaona ari Fidza*



*,ndakamboda kumudaira ndikambo  
ignowa ndakazongodaira asi  
ndakatadza kana kumudaira.*

*Ipapo ndopandakachiti pengenu  
nekuti ndakanga ndoda kuenda  
kumba now .*

*Tambu nhai Tambu !!*

*Hesi Daddy matii ?*

*Enge madairiro acho aibva  
atondipedza kuti ndioneke zvaibva  
zvaramba ndakazongoti ,*

*"Mafungei nekuti ndiende kunotora  
hembe?"*





*Ndakaona munhu angoramba  
akanditarisa ndokuti,*

*"Hazvina kuipa Daddy asi ndodawo  
mari yekutenga grocery or toenda  
tose padhuze apo tinotenga".*

*Ndakapindwa nechando kutaura  
chokwadi ndaiwanepi mari ye  
grocery asi aitofunga kuti izere here  
pandiri?*



*Tambu hona kuuya kwangu pano  
ndakangouya tasangana panzira  
handina mari plus card riri kuna  
gulez pandinonotora hembe ndobva  
ndanotora card.*



*Ndakaona kushata kwose kwa  
Tambu apa kasmile kaya kakava  
kakufinyama kunge munhu  
anhuhwirwa nechidembo.*

*" Unondiona sani nhai Gilbert ".*

*Zvose zvekunzi Daddy zvakabva  
zvatiza parurumi rwa Tambu.*



*Chinzwa shamwari pano haupabude  
apa shasha ichitonokiya door.*

*Ndinotoda 20dollaz pano kuti ubve  
pano kana kuti uchagara muno  
kusvika wawonda serutsanga  
hamudi kunyarwa varume.*

*Ndakapererwa kuti ko ndo rudo  
rwacho here ?*



*Ko kaswitieness kaendepi futi?*

*Ndakazongosveerera chikwama  
changu ndokutanga kuzunza zunza  
ndokubuda ka 4dola kaya kakanga  
karimo.*

*Shasha yakangokatora kwakuti*

*"Mari uchabudisa hako waifunga  
kuti ndiri mukadzi wako here  
ndotodawo mari yesipo nemafuta  
kuti undione mangwana  
ndakatsvinda kudai"*

*Ndakangoti Finish uku ndokunonzi  
kuzvitsvagira mavanga uku.*

*Mai Gidza*

*Ndakatoona kuti nguva yanga*



*yatoenda pasina kana chandanzwa  
nezva Gilbert .*

*Ndakazama foni yake zvakare  
ndinzwe yakurira hana yangu  
yakatomboti tibaa.*

*Asi yaingorira isingadairwe .*

*Asi munhu akabhinyiwa vakatora  
foni chii chaizvo chakaitika  
kumurume wangu ?*

*Mibvinzo yose iyi yaida mhinduro  
ndichiishaya.*

*Ndakambofunga zvekuenda kupolice  
ndakazogaya kuti uko kana ari  
munhu mukuru vanoda 24hrs munhu  
ashaika .*

*Manje apa hadzisati dzakwana  
ndaitozoenda mangwana .*

*Chokwadi uku ndokunonzi kura uone  
ndakanga ndotoonda nezuva rimwe.*





*Tambu*

*Manje kana achifunga kuti  
achapabuda haabude anotoparara  
pano ndicharamba ndichingoti ndipe  
mari ini ndichiziva hangu kuti  
murime atowangu .*

*Manje chakundinetsa  
ndechekubasa akazodzingwa basa  
ndinozogona kumuchengeta here?*

*Apa pakabva pandiomerera ndakabva  
ndashaya kana plan kuti ndodii  
ndaiva ndotya kubhururutsa murume*

.

*Ndakazorangarira tutombo  
twandakapihwa nevamwe*



*madzibaba twandakanzi ndoisa  
musokisi nyangwe akaenda haafe  
akafuratira anotonodzoka chete.*

*Ndakabva ndapinda mumba  
kwakuenda pa wardrope shasha  
yakangobata shaya hayo.*

*"Daddy Gilbert"*

*Ndakavhunduka kuti ndiTambu here  
uyu anga ambondigumbukira  
ndakabva ndatiwo*

*"Switie"*

*Zvinoita gwara imi kkkk.*

*Ndakaona shasha yakunokiyinura  
door ,ndokunditarisa apa  
inekamufaro kepakutanga kaye.*



*Daddy ndakuregererai ndoda  
muende kubasa mangwana asi  
mozoita muchiuyawo kuno.*

*Ndakaita kunge ndicharidza mhururu  
nechemumoyo ndichingoti  
handizvipamhe zvachose.*

*Shasha yakabva yatora bhutsu*



*dzangu nemasokisi  
kwakundipfekedza uuum kana neni  
ndakabva ndafeeler kakudiwa kani  
zvandisati ndamboitwa kana namai  
Gidza.*

*End of chapter*

*[5/8, 15:16] VaDeny: Kupanduka kwa  
Gilbert madzibaba Fidza*

*By VaDeny...*



# *Chapter 8*



*Pandaipfekedza shasha bhutsu  
ndaita ndichiipuruzira hangu apa  
ndichinyatsoisa tumatombo twangu  
mberi kwebhutsu.*

*Ndakatoona kuti shasha inenge  
yanga yakutochaja futi kkk.*

*Ndakangomutarisa ndokumutsvoda  
kana iye akatorakidza kushamisika  
nazvo.*





*Ndakangoti nechemumoyo  
unotamba naTambu iwe handina  
kuuya kuzotamba muharare ini  
uchadzidza hako .*



*Mapfekedzerwo andaitwa bhutsu  
naTambu uuum was so romantic  
ndakangoerekana ndakutonzwa  
kuda kurara kana zvekumba  
ndakanga ndotozvikanganwa.*

*Akazongoramba achindipfekedza  
hake asi dai aiziva zvandainzwa dai  
akandinunurawo wesi paakazondipa  
tsvodi ndakamerera muviri wose.*



*Ndakangomuti Fidza akanga ane  
mari yangu saka ndaifanirwa  
kunoitora ndozokupa imwe .*

*Shasha yakavhura maziso ose  
ndakanga ndataura zvemari  
chokwadi mari inechitema.*

*Ndakatozoonza kuti ndakanga  
ndarotomoka iye Tambu akanga*



*atoti ndiende hangu.*

*Pandakataura zvemari shasha  
yakabva yatoti tobuda tose  
takananga kwana Fidza kunyange  
zvakanga zvisingaiye aitoda kuenda  
neni manje zvainobuda here ?*



*Ndakanzwa musoro kutema chaiko.*

*Ndakanyatsoti dhuu ndakaona kuti  
ndakawanikwa ndichifamba na  
Tambu muroad aitozoita mahwani  
chaiwo kuzoti mai Gidza  
vakazvinzwa idi paitemwa umwe  
munhu chete.*



*Ndakatoona shasha yakutopfekawo  
tubhutsu kuti tibude tose.*

*Takatanga kunanaidzana kuti  
tinobuda pamusiwo tichingosvika  
pamusiwo shasha yakanga  
yakanganwa makeys mubedroom  
mongoziva dzimba dzekulodger  
marooms anopindana.*



*Ndakabva ndatoti chanzi, bara  
randakavhura ndakananga nekuseri  
kwedzimba kana vakandiona  
ndofunga vakaumburuka nekuseka  
ndiye hutu hangu.*

*Ndakangoti dambudziko rapera  
kwana Fidza ndaisvika ndichitii?*

*Ndakapinda mumba ndakanga  
ndasiya makeys pamubhedha  
ndichingofuratira kupinda  
mubedroom ndakanzwa mutsindo  
wemunhu aitiza ndakangofunga kuti  
vana waitamba .*

*Pandakadzoka ndakarembedza*





*makeys kunge emota sezvinoita  
tumasalala twemutown twadiwa  
nemabhozida ndakaona yanzvimbo  
chete.*

*Ndakatarisa tarisa kuti Gilbert aripi  
handina kumuona, hey saka  
mutsindo wandanzwa ndiye anga  
achitiza manje haandizive mushe ini  
Tambu. Manje atozoigochera pautsi.*



*Ndakamboda kutevera ndakazoona  
kuti kutambisa nguva achadzoka  
chete matombo amadzibaba  
haaendere mahara.*

*Ndichidzokera mumba ndakabva*



*ndafunga zvekumborara hangu.*

*Pandakanoti simudze blanket  
chikwama chakabva chati puu  
ndakachinhonga wanikwe ndecha  
Gilbert .*

*Ndakavhura makanga musina kana  
coin chaiyo asi makanga mune  
chitupa necard rekubasa rairatidza  
kuti raishandiswa daily card racho.*

*Nezvimwewo zvimapepa pepa ko  
ndakamboziva kuti ndezvei here ?*

*Ndakabva ndangochiisa pasi pepillo  
kwakurara hangu.*



***Mai Gidza***



*Ndakasiya ndakiya pamba pangu  
ndokumbonoona sahwira wangu kuti  
ndimupire nyaya yangu pamwe  
aizondipawo mazano.*

*Ndichisvika pamai Bhachi  
ndakasvikovaona vakamira kuchuru  
chaiva pachivanze pavo .*

*Tisvikewo pano ?*

*"Aaah sahwī svika hako kwakanaka  
here zvaunenge usina kana shangu  
mugumbo"?*



*Ndakatovhunduka kuti kufamba  
kwandaita kwese uku ndakanga  
ndisina kuzvinzwa here kuti ndasiya  
shangu shuwa ndakanga  
ndazopererwa kusvika pakuda  
kurasa njere here.*



*End of chapter*

*[5/8, 15:16] VaDeny: Kupanduka kwa  
Gilbert madzibaba Gidza*



*By VaDeny....*





# *Chapter 9*



*Ndakasvika kumba ndokugara hangu  
panze ko pamba pakanga pasina  
munhu ndakatoshaya kuti mai  
vekwangu vakanga vaendepi?*

*Ndakatanga kunzwa kagodo kane  
kashanje munongoziva zvoita rudo  
mudzimba umo asi ndaitokanganwa  
kuti neniwo ndirikubva kunokwata.*

*Kana kuri kunzi ndakabata chirwere  
unoona ndakutotanga kunongedza  
mkadzi asina mhaka.*



*Mai Gidza vakanga vanonoka  
kudzoka ndakanga ndobatwa  
netuhope ndakagara hangu  
pamusiwo,ndakabva ndabisa shangu  
dzangu nemasokisi kwakuisa  
kwakadaro.*



*"Aaah titambire titambire baba mwana".*

*Ndakasimudza musoro ndakabva ndasanganidzana maziso angu namaiGidza.*

*Unoshaya kwekutarisa nekunyara.*



*Munoziva handizive chaizvo kuti  
chakanga chava chii ndakabva  
ndangonzwa kubhowekanwa  
nemukadzi wangu wesi pandakaona  
asina kana bhutsu apa shena  
yakakwira nemupimbiri. Ndakaita  
kuipererwa apa pfungwa dzakabva  
dzadzokera kuna Tambu.*



***Mai Gidza***



*Pandakasvika kumba kwasahwira  
takatorana nasahwira tikagara hedu  
pasi totaura nyaya dzirikunetsa.*

*Mamwe madzisahwira so iwe  
urikichema ivo varikitoita jee newe .*

*Hapana kana zano chairo  
ravakandipa randingati raivaka  
kunze kwekungoti kana zvanetsa  
siyana naye ndokutsvagira kamwe  
kamuface handizive kuti vairevesa  
here?*



*Ndakati ndichisvika pamba pangu  
ndakatorohwa nehana ndichiona  
Gilbert akagara pamusiwo asi  
arirakidza kakuneta-neta .*

*Ko anga aripi chaizvo? Ndakaita  
mubvunzo waida mhinduro asi iyi  
yakanga isiri nguva yekuti*





*ndimubvunze ndaitoda atange  
kutura oga.*

*Ndakangosvika ndokumumhoresa  
ndokutora bhutsu dzakanga dzaiswa  
panze ndokupinda nadzo mumba .*

*Ko pane pataizotaura nyaya dzedu*



*takamira panze here madziro  
aizosefa zvakanaka achisiya  
zvakashata ndozvaizofamba  
nemaraini .*



*Ndakaisa mvura kuti Gilbert atange  
ageza chaindinetsa aingonyara-  
nyara hake aida kuti ndimutange kuti  
azoti mai Gidza vanotairisa mumwe  
moyo waiti bvunza ndakangoti regai  
ndione kunowira tsvimbo nedohwe .*



*Pavakaenda kunogeza ndakasara  
ndichigadzirira food yamauro ko  
ndakanga ndimbone mari here  
ndakangobikawo sadza nematemba  
chop chop shungu dzaiva dzekuda  
kunzwa kwabviwa chete zvimwe  
zvose izvo ndaiva ndisina shungu  
nazvo.*



*Handina chandakanga ndati  
ndataura na mai Gidza kana ivo  
vairakidza kusaita hanya  
nekwandanga ndiri why?*

*Ndakatanga kuzvitongesa  
ndichigeza kuti sei?*

*Ndakazongoti regai tichaona  
achatanga umwe.*



*Ndapedza kugeza ndakabata bata  
homwe wanikwe chikwama hamuna  
ndakabva ndaneta ko kubasa  
kwacho ndaikuenda sei? Card  
ndoraivhura door rangu re office  
zvoreva kuti chikwama chakasara  
kwaTambu nhai?*

*Zvedi ndakarangarira kuti pandakapa  
Tambu madhora mana aiva  
muchikwama ndopandakabva  
ndangochisiya.*

*Ndakambofunga kuti pamwe  
chadonhera panze pandaiva ndigere  
asi pfungwa dzakandirambira  
ndakangobuda ndichitarisa asi  
pakanga pasina ndakabva ndatoziva  
kuti mahwani aya akanga atanga.*

*Ndakatanga kurangarira speed  
yandakarova apa ndicharova speed*



*futi ndakananga ikoko hey aya ndo  
maone manje.*

*Ndakazopinda mumba kwakuisirwa*





*sadza zveshuwawo nzara yakanga  
yanditibura ko kwa Tambu kwaitwa  
zvechirungu chete zveku impressa  
Daddy.*

*Ndakaona kuti ndakaramba  
ndinyerere kwaiva kujaidza munhu  
apa sadza randabika arikukatsaura*



*ndakarovera moyo kudombo ndakati  
rega ndirwushaure rwumbo!!*

*"Nhai baba ko zvamangonyarara ko  
zuro zvakafamba sei ?*

*Ndanga ndichiti pamwe  
muchandipira ndatoona kuti hamusi  
kana kutombogaya nezvazvo  
ndipireiwo kuti maivepi?"*



*Shasha yakabva yangoramba  
yakabata musova wesadza kunge  
munhu arohwa nemagetsi.*

*Ko kwakanaka here?*

*Vairakidza kuti vaida kupindura asi  
mazwi airamba kubuda ndakangoti  
pane nyaya apa!!, ndokunyarara  
hangu.*



***Mai Bhachi Sahwira***



*Ndakangoona ndoga kuti mafambiro  
arikuita maiGidza akange  
anemubvunzo vaingofamba  
vachimwaza-mwaza maoko apa  
vaita kunge vaitaura voga vachiuya  
kwandaiva ndiri uko kwandaito*



*mwaya mushonga mumuriwo wangu  
wakanga wanzwa nenda.*

*Ndakazotorana naSahwira wangu  
ndokugara pasi takakurukura asi  
maonero angu Gilbert uyu anenge  
akudzokera kumisikanzwa yake*



*yekare shuwa saka vanhu vachiti  
imba inosimbiswa nevana pamwe  
kushaiwa mwana kwavo ndokwaita  
kuti apindwe nemweya wechipfambi.*

*Asi akada kutamba nepfambi  
dzemumaraini tomunzwira hameno  
hake .*



*Zvehupenyu zvinongonetsa asi  
kanaMwari vakangoti haufe  
wakabata mwana ndozvinenge  
zviripo umwe unotozomuita usisina  
tariro .*

*Ndakatoona kuti masekero andaiita  
naSahwira wangu ndainge  
ndatotadza.*

*Iyi yakanga isiri nyaya yemajokes  
paitoda kugarwa pasi totaura nyaya  
senyaya.*

*Zvose zvandaiti ndichakurongera*





*kamuface ndaitoseka hameno  
akazviita siriyasi hake .*

*Ndakazongoti mangwana ndoda  
kusvika kumba kwake ndinonzwa  
kuti vakazowanikwa here zano  
marairwanwa.*



*End of chapter*

*Ndichadzoka next year time  
irikundinetsa sorii!!*

*[5/8, 15:16] VaDeny: Kupanduka kwa  
Gilbert madzibaba Gidza*



*By VaDeny....*



# *Chapter 10*



*Fidza*

*Kurara hope rugare hazvinei kuti*

*ndiSahwira or shamwari yako kana  
akashaika unoshaiwa hope.*

*Ndakarara ndigere zuva randanzwa  
kuti Gidza haana kuwanikwa  
ndainzwa kupera simba kana kudya  
chikafu handina chairamba kupinda  
zvachose .*



*Chainyanya kundirowadza ndechekuti  
zuva raasina kusvika kumba takanga  
tiri tose tichitofara.*

*Saka shamwari yangu  
yakawanikwa nei?*

*Ndakazobatirwa nehope very late  
pfungwa dzichingopisha-pishana .*



*The following day ndakatadza kana kuenda kubasa ndakanga ndakasungikana ndakazofonera manager sezvo vaitoziva zvakanga zviripo havana kumborwadziwa nekurovha kwangu.*

*Vakatonditi ;*

*"Kana pane chawanzwa Phirimon wondiudzawo."*





*At least ndakanzwa kusimbiswa  
nekuti boss vangu vaitonzwawo  
kurwadziwa.*

*Ndakabva ndangobaya nhamba dza  
Gidza ndichangobva kufonera  
vekubasa dzakabva dzangopindawo.*



*Ndakanzwa kunyevenuka asi  
chakandinetsa haina kudairwa same  
same sanazuro.*

*Yakarira kusvika yakata.*

*Ndakagaya zvakawanda kuti asi  
Gidza akapambwa here nani munhu  
wacho achidei pana Gidza?*

*Ndakabva ndafunga zvekusvika  
kumba kwa sahwira wangu  
rungwanani irworwo.*



*Ndakatobva ndatowoneka  
ndokupinda munzira .*

*Mai Bhachi*



*Kuchingoedza ndakafumo bata  
jongwe muromo ndakananga kwa  
Sahwira wangu ndaida  
kunonyatsonzwisisa kuti murume  
waSahwira wangu akazowanikwa  
here?Uye sasahwirawo ndaida  
kunotapa mazwi kuitira mangwana*



*kana panechinozoitika.*

*Ndakanga ndarara ndichizvitongesa  
ndoga kuti shuwa murume mukuru  
kungonzi ashaikwa zvingabude here?*



*Yakava bata mupfupi bata murefu  
pamba pana Gilbert.*

*MaiGidza vakanga zvino vachifuta  
nehasha apa Gilbert achirongedza  
tuhembe twake mubag kana kwaida  
kuendewa hapana aikuziva .*

*Vari mubishi rekushupana kudaro  
Fidza anobva ati pfacha anosviko  
shamisika nezvaitwa naSahwira  
wake paanoda kuti abvunze  
anoudzwa magaramoyo emazwi na  
Gidza anobva angoti zii.*

*"Hautonge zvepamba pangu tonga  
zvekwako".*

*Anodaro achinongedzera sahwira  
wake kana mweya wakanga wabata  
umwe wake akatozvishairwa pazvo.*

*"Go go go i ! "*



*Vanobva vasvikawo sahwira wamai  
Gidza .*

*Vanongosviko gumbata vachiona  
vanhu vachikandirana makobvu.*





*Pandakamuka kuseni ndakatanga  
hangu kuita mabasa angu,  
ndakatanga ndaisira Gilbert mvura  
yekugeza kuti aende kubasa  
chakandinetsa haana kana kuita  
hanya nazvo.*

*Ndashaya kuti chii chirikutora  
nzvimbo.*

*"Kuti basa rakapera here?"*

*Handina kuda kubvunza hangu  
yakanga isati yanguva yacho ndaida  
kunyatsotanga ndaona zvaifungwa  
kuti chii.*



*Ndakatora mutsvairo wangu  
kwakutanga kutsvaira panze .*

*Asi pfungwa dzangu dzainyumwa  
kuti munhu wandasiya mumba uyu  
pane zviripo chete?*



*Ndakabva ndatosiya zvandaita  
ndichidzokera mumba .*

*Ndakashamisika ndichiona zvinhu  
zvanzi bvururu mu wardrobe .*

*" Gilbert ndeipi iyi yauri kuita?"*

*Haana kudaira akaramba  
achisarudza hembe dzake  
dzakanaka achiisa mupaper bag.*



*Ndakaramba ndakangomuyeva  
ndaيدا kuona kuti kana apedza  
achadii ndakanga ndazvipira kuti  
nhasi kana kuri kufa ndosiyawo  
munhu ane mbonje chete.*



*End of chapter*

*[5/8, 15:16] VaDeny: Kupanduka kwa  
Gilbert Madzibaba Gidza*



*VaDeny....*



# *Chapter 11*



*Gilbert*

*Ndakatoona kuti ndakada kuita  
dzungu apa ndaigona  
kungobatiranwa ndikazvindikitswa.  
Saka kutodzikama ndokwaitopedza  
nyaya uye kuti ana Sahwira vaende  
ndienderere mberi ne mission yangu.*





*Ndakazongotaurawo tuma  
statement twakangodhakwa dhakwa  
,ndakatozviona hangu ndoga kuti  
ndaيدا kuvanza chokwadi asi vose  
zviso zvavo apana kana airitidza  
kundisapota.*



*Wesi pakazopinda foni yamanager  
pakanga pakaoma  
ndakangobvotomoka kuti ndaiva  
ndakidhinepwa kkkkzvoita gwara  
kani.*

*Nguva yakanga yatofamba kuti  
ndigaye kuti Gilbert achaenda  
kubasa here ndakaona pasina  
bundutso apo.*



*VanaSahwira vakabva vatoonekawo  
ndokusara nemutoro wangu ndoga.*

*Ndakanyatsotarisa Gilbert ndikaona*



*kuti zvaakanga oita zvaiva zvisiri  
zvoga pane chakanga chomuitisa  
kudaro chete.*

*Vachingobuda anaSahwira shasha  
yakaenderera mberi nekupeka  
hembe dzake.*

*Ndakangoti nechemumoyo regai aite  
zvaairi kuda kuita, ko aiva mwana  
here wekuti kana oita chausingade  
unobatira shamhu. Madzorero  
aitoshupa ndakanga ndongowokera  
hangu ndaida kuona kuti zvaizopera  
sei chete.*



*Dzimwe pfungwa dzakatombouya  
dzikati kujaidza munhu uko tora  
action asi ndakaona kuti ndaigona  
kumhanya ndikazokuvadzwa  
ndainini hanzi rega zvipore akabva  
mukutsva.*



*Chinhu chandainyanyoziva  
aiva nepeya imwe yebhutsu  
ndoyaipfeka saka ndakatoti nhasi  
anobuda asina shangu ndakadzitora  
pandanga ndadziisa  
kwakunodzikwidibira muzipoto  
rangu zihombe haambozozvifungira  
enge achatodzitsvaga chete.*



*Ndakasiya arimo mumba achingo  
bata-bata ndokunogara pamusiwo  
ndaida kuona kuti anopabuda sei  
pamba pacho.*



*Ndakati zvino ndapedza kurongedza  
hembe dzandaيدا ndakanga  
ndofunga Tambu  
wangu,ndakatsvaga tsvaga bhutsu  
ndingadziwane ndakazogaya kuti*





*ndakanga ndadzibisira panze.*

*Ndakanhonga paper bag rangu  
kwakuronga yekubuda panze  
wanikwe mai Gilbert vakatogara  
pastubhu yekubuda panze.*

*Ndakamboita mabhureki  
ndichidzoka kumashure ko  
ndaifunga kuti vakanga vaenda  
somewhere nyambisirwa kwete havo  
vanenge vakanga vatondirindira.*



*Ndakatoona kuti ndakada kuita  
kunge mukadzi kuita  
hwechimbwende zvandaironga  
zvaizoramba kubudirira apa .*

*Ndakaita vekusvetuka mai Gilbert  
pandakanoti nditsike ndiye pii pasi*



*nguva diki ndakanga ndachenuruka  
kuzara shena tirauzi rose.*

*Ndakangoti kwanyanu ndichizunza  
zunza shena yakanga yandizara .*



*End of chapter*

*[5/8, 15:16] VaDeny: Kupanduka kwa  
Gilbert madzibaba Gidza*

*VaDeny...*



# *Chapter12*



*Tambu*

*Ndakazomuka mangwana acho  
kuseni ko hope dzekurara woga  
dzinombovaraidza here?*

*Ndakaita mabasa angu ose epamba  
asi pfungwa dzangu dzakanga  
dzanamatira pana Gilbert .*

*Ndakanga ndotonzwa kumuregerera  
kunyange akaita zvekutiza*



*ndaingoshuvira kuti dai adzoka.*

*Ndakabva ndatora umwe mushonga  
wangu wandakanga ndanzi  
ndonokora tsoka dzewandada  
ndokanga mavhu acho muzenga  
ndichimwaya mushonga uye.*



*"Iyo mishonga nematombo  
echipositori ndakanga ndozvinyanya  
uye kuzvisanganisa idi ndakanga  
ndisisazive kuti chaishanda  
ndechipi".*





*Chakazondinetsa apa kwekunokora  
tsoka dza Gilbert ndakakushaya  
ndakazvituka kuti dai ndakazviita  
nezuro paakatiza.*

*Zvisinei ndakazozvishingisa kuti  
tichaonana chete.*



*Gilbert*

*Pandakaumburuka paya ndakamuka  
ndokutarisa shangu dzangu asi  
handina kudziwana ndakadzokera  
mumba kunonyatsotarisa asi  
ndakadzishaya .*

*Ko dzakanga dzamera makumbo  
here dzakanga dzaendepi?*

*" Mai Gilbert!! mai Gilbert!!..... "*

*Hapana akadaira.*



*Ndakadzokera panze pandakanga  
ndasiya ndakaona pasina munhu ,ko  
pepa bag rangu rembatya riripi?*

*Chandakaziva ndechekuti paya  
pandaedza kuvasvetuka vakagara  
pamukova ndainge ndakaribata .*

*Saka kureva kuti mukadzi uyu atiza  
nehembe dzangu nhai.*

*Ndakabva ndatongosvipa moyo  
nezvavo ndakatanga kurova pasi*



*ndakananga kwana Tambu.*

*Ko chii chaizvo chaiva chondiita  
ndide Tambu zvakadai?  
Ndakatozvishairwa pazvo.*



*Pakadonha Gilbert akangomuka  
chop chop achidzokera mumba  
achisiya pepa rake rehembe rakati  
puu kwakadaro uko.*

*Ndakabva ndatoti chanzi  
ndokurinhonga ndokupinda munzira  
naro kutevera sahwira wangu.*

*Ndaiziva kuti paachapinda mumba  
achaita kanguva achitsvaga shangu  
dzake chete.*



*Ndakaritibura dust ndakananga  
kwasahwira vakatoshamisika  
vachiona ndichisvikawo mumashure  
mavo.*

*Ndakavarondedzera zvakasara  
zvichitora nzvimbo .*

*Vakazatora pepa renhumbi  
kwakurirongedza kwakunditi ,*

*"Dzokera kumba chop-chop unoona*



*kuti arikuda kuita sei uye achatii  
nezvembatya".*

*Ndakaita zvekumhanya chaizvo kuti  
ndichimbido svika.*

*Ndakaona mukova wakangozaruka  
ndakati shasha ichimo mumba .*

*Pandakapinda ndakaona zvinhu*



*zvose zvakango mwaiwa neimba  
yose kunge mambopinda mbavha  
yanga ichitsvaga mari yaisingazive  
kuti irimo here kana kuti hamuna.*

*Gilbert makanga musisina  
ndakanokudubura zipoto randanga  
ndaisha shangu wanikwe dzirimo.*

*"Saka kureva kuti abuda asina  
shangu ndakangogaya kuti aenda  
kwa Fidza chete kunopotera ikoko".*





*Ndakangoti regai ndisiye zvakadaro  
achadzoka hake kana ada ko  
ndaigodii murume akanga oita kunge  
anorwara.*

*Ndakatora shangu dziya kuti  
ndirongedze.*

*Ndopandakaona kuti mukati maiva  
nemasokisi ndakabva ndaabudisa.*



*Pakubudisa rekutanga pakabva  
padonha kanhombo ndotumatombo  
toshandiswa nemapositori  
ndakangoinhonga ndokumboramba  
ndakaiyeva hangu ndokuisa patable.*

*Ndakatora rimwe sokisi  
makadonhha futi kamwe kanhombo  
ndakabva ndatanga kutya kuti why ?  
Ndomashura chaiwo andaisangana  
nawo aya.*

*End of Chapter*

*[5/8, 15:16] VaDeny: Kupanduka kwa  
Gilbert madzibaba Gidza*



***VaDeny....***

## *Chapter 13*

*Zvandakabuda mumba  
ndakangobuda ndakaita kunge*



*ndakupenga zvandaiva ndiri zvacho.*

*Idi ndini here ndaiva ndosiya imba  
yangu ndaiendepi zvedi?*

*Ndirimundangariro ndakaerekana  
ndatosvika pamba pana Tambu.*

*Ndakashamisika kanekakufara  
mukati pandakaona Gilbert ndakaita  
kunge ndirikurota nezvaakanga ari  
zvacho.*

*Ndakanzwa onoka haana kuziva kuti*



*ndakanga ndamuona kare.*

*Ko ko ko musiwu wainokwa uyu  
ndakamboramba ndinyerere  
pfungwa dzandiwandira kuti  
asiGilbert akupenga here ,?*

*Asi madzibaba vakandipa muteuro  
wekupemgesa here?*

*Ndakanga ndapererwa ndakazoita  
chivindi kuti chanya chanya regai  
ndovhura musiwu.*

*Ndichingovhura hug yandakapihwa*



*yakandivhundutsa apa munhu asina shangu kkk.*

*Ndakatomboda kuseka asi ndakazvidzora ndakapinda munba naye ndopandakazoona kuti inga munhu atori normal.*

*Ndakamhanya kunomuisira ka kapu ke tea akanwa zvekuratidza kuti akanga atone nyota .*

